

八瓊室金石補正

八瓊室金石補正卷八十三

男

繼輝校錄

太倉陸增祥撰

吳興劉承幹覆校

宋

溫室洗浴眾僧經記

高一尺五寸六分廣二尺二寸五分四十七行
行字大小均不等行書在洛陽存古閣

佛說溫室洗浴眾僧經一卷

後漢安息三藏安

下此行小字徑四缺 分在標題下

建造溫浴刊寫真文

下缺

著他方願滿四宏位絕三界然

下缺

此二行在
經文末句

下亦
小字

時大宋建隆二年歲次辛酉二月十一日乙亥洛京

右街應聖

□缺

龍興寺鑄銅像記

乾德元年五月八日在正定府萃編載卷一百二十三

大駕親征

缺大

時湏

湏

萬人計

缺計

基址

址

誤

文首敘開寶二年太祖親征河東而碑末乃作乾德元年諦審其字蹟實與序文無二惠演雖鄙俚無文亦何至舛錯至是殊不可解案葛葉撰龍興大悲閣記稱景祐中寺僧惠演錄其興建之蹟甚詳云云據此則惠演是仁宗時僧碑之年月無稽因刻於葛記

碑陰即附於葛記之後碑爲王氏金石萃編所收而乾德之誤竟未舉及其他則王氏言之頗詳茲不復贅記稱差三道殿頭一道入龍興寺一道入開元寺一道入永泰寺攷宋內官傳有殿頭有祇應殿頭當即此開元寺即今府治南之開元寺正定府志永泰寺在城北金大定中建今此記有永泰寺則方志云金建者誤矣又記有軍器庫使劉審瓊等諸人皆無表見通判軍府事范德明當是鎮州官教練使之名宋史職官志兵志皆不載通攷云開寶中嘗置軍教練使在指揮使上後廢都副鈐轄通攷云宋初以朝

官及諸司使以上充或一州或一路或兩路三路亦無有都字者又合璧事類後集引續會要載兩朝國史云官高資深充都鈐轄官卑資深稱鈐轄軍器庫使職官志軍器監國初戎器之職領於三司肅曹案官無專職熙甯六年廢肅曹案置監以從官總判又衛尉寺所隸官司有軍器弓槍庫軍器弩劍箭庫通攷宋武庫武器並歸內庫及軍器庫以他官及內侍典領軍器凡四庫勾當官並二人衣甲弓槍弩箭三庫悉以諸司使副及內什充什物庫以三班使臣充掌禁兵器鎧甲供軍什器儲騎之物辦其出納又職

官志少府監有諸州鑄錢監監官各一人又將作監
有東西八作司掌京城內外繕脩之事八作司之置
十將史所未詳雄勝指揮員寮宋史兵志侍衛司步
軍有雄勝開寶中以剩員立太平興國中選入上鐵
林餘如故又有雄勝剩員指揮三峽冀濟各一案剩
員之名起於太祖建隆元年詔殿前侍衛二司各閱
所掌兵練其驍勇升爲上軍老弱怯懦置剩員以處
之給官符宮觀園苑寺廟之役鑄象蓋閣興工於開
寶四年正剩員置雄勝之後員寮之名兵志殿前司
有新安內員寮直侍衛司騎軍有員寮剩員直步軍

有川員寮直然則碑載雄勝指揮員寮當即兵志雄
勝剩員指揮無疑矣碑文鄙俗無足取特因其敘鑄
象之制頗詳故錄之以補龍興寺之掌故焉

常山貞
石志

梯航作抗抗即杭字特變木从手耳毛詩一葦杭
之楚詞惜誦魂中道而無杭史記司馬相如傳蓋
周躍魚隈杭杭絕浮渚太元劇蔽於天杭皆即航
之通借萃編以爲別字殆非碑兩用般取知今俗
搬移字可用般爲之沈匏廬輯常山貞石志以碑
刻於紹聖四年大悲閣記之陰紀年舛錯即附於
閣記碑後萃編不載閣記余亦未得拓本仍依原

次閣記立於紹聖四年此碑末題乾德元年不應
反在碑後竊意此碑先未上石迨紹聖年刊刻大
悲閣記因取惠演舊文附鐫於碑後原文未必有
碑尾年月殆補刻者所增遂致錯誤而未深究歟

夢英十八體篆并贈詩及書

高四尺一寸廣二尺五寸四截每截行字大小均
不一詩句篆書題釋分書餘並正書在西安碑林

南岳宣義大師夢英十八體書

丁卯年於長安集

此二行在

弟一截贈
詩之前後

沙門惠休詩

在文選中

西北秋風至楚客心悠哉日

暮碧雲

合佳

人殊未來露彩方泛艷月華始徘徊

徑寶書

爲君掩瑤瑟詎肯開相思巫山清悵望雲陽臺膏鑪絕沉燎綺席生浮埃桂水日千里因之平生懷此行在下三載之右方

沙門惠休詩

古文者黃帝史蒼顏之所作顏有四目

通於神廟仰觀奎星圓曲之勢俯察龜爻鳥跡之象采
衆美合而爲字故曰古文孝經援神契云奎主文章蒼
頡倣象是也自秦用小篆焚燒先典古文絕矣武帝嘗
魯恭王壞孔子宅壁得古文尚書自後隨班變易已成

數體矣

西北秋風至

大篆者周宣王太史史籀之所作始變

古文或同或異謂之爲篆篆者傳也傳其物理施之無窮甄鄧定六書三曰篆書八體書法一曰大篆又漢書藝文志史籀十五篇竝此也以史官製之用以教授謂之史書凡九千字漢元帝王遭嚴延年竝工史書是也

楚客心悠哉

籀文者亦史籀之所作與古文

大篆小篆

異後人以名稱書謂之籀文七略曰史籀者周呂后史官教學童書也與孔氏壁中古文體異其跡有石鼓文存焉蓋諷周宣王畋獵之所作今在陳倉少人攻學

日暮碧雲合

廻鶩篆者史佚之所作粵在文代赤雀

集庭降及武朝丹烏流室今之此法顯寫二祥其草木鳥獸山川虫魚飛走動隱而成其字自後季丘涇謝聖掘漏徑唯史氏研精功爭造化矣

佳人殊未來

柳葉篆者衛瓘之所作衛氏三丘攻書

善乎數體溫故求新又爲此法其跡類薤葉而不貞筆勢剛勁算能傳學衛氏與索靖並師張芝索靖得張之肉衛瓘得張之筋故号一臺二妙

露彩方泛艷

巫雲篆者衛恒之所作軒轅之代慶雲

常現其體郁郁紛紛爲書紀載玄宇之興取諸爲象書品云衛恒書如搖華美女舞笑鏡臺筆動若飛字張如

雲算能傳學衛氏即巫雲之祖

月華始徘徊

雕虫篆者魯秋胡妻之所作秋胡隨牒

遠仕荏苒三季鳴坪有懷春屈多思桑旨閑翫集爲此

書亦云戰筆書其體遒健巫畫纖長旋繞屈曲有若虫

形其爲狀則元鳥優游落花散漫矣

寶書爲君掩

小篆者秦相李斯之所作增損大篆異

同籀文謂之小篆亦曰

秦篆畫如鐵石字若飛動作楷

隸之祖爲不易之法其名題鐘鼎及作符印至今用焉

受命于天既壽永昌等即李斯之小篆也

瑤瑟詎肯開

填篆者周之媒氏以仲春之月判會男

女則以此書表信往來及魏明帝使京地韋仲將點定芳林苑中樓觀王廩王隱皆云字閒滿密故云填篆亦曰方填書至今圖書印記並用此書

相思巫山渚 飛白書者後漢蔡邕之所作漢靈帝嘉

平季詔蔡邕作聖皇篇篇成詣鴻都門進旨方修飾鴻都門見役人以聖帝成字心有悅焉歸而爲飛白書漢末魏初竝以題署宮闈其體有二創法於八分窮微於小篆蕭子雲飛白論云王次仲飛而不白蔡伯喈白而不飛

長望雲陽臺

芝英篆者漢陳遵之所作陳氏每書一

聖皆驚昔人謂之陳驚聖筭六國各以異體之書潛爲符信則芝英興焉秦焚邱典其灰烬滅在漢中葉武帝臨朝爰有靈芝三本植於殿蕡旣歌芝房之曲又述芝英之書焉陳氏即芝英之祖

膏鑪絕沈燎

剪刀篆者韋誕之所作亦曰金鎗書本

古之錢名周之泉府厥跡不存降茲以還其灰可觀若漢之銖兩新之刀布今具存焉其爲體狀若麗匣盤龍新臺舞鳳自後史游深造其極焉

綺席生浮埃

薤葉篆者僊人務光之所作務光辟湯

之禪去往清冷之陂植薤而食輕風時至見其精葉交

儼則而爲書以寫紫真經三卷見行於世其爲狀也若
搶風遠望寒雲片飛在絕人學矣

桂水日千里

龍爪篆者晉右將軍王羲之所作羲之

曾遊天台還至會稽值風月清照夕止桐亭臺詠之末

題柱作一飛字有龍爪之形焉因之遂稱龍爪書其勢
若龍威虎振拔劍張弩

因之平生懷

科斗篆者其流出於古文尚書序費氏

注云書有二十法科斗書是其一也以其小尾伏頭似

蝦蟇子故謂之科斗簪魯恭王壞孔子宅以廣宮室得

科斗尚書反禮記論語凡數十篇皆科斗文字

乾德五季於

瓊瑤篆者後漢劉德昇之所作也因夜

觀星宿而爲此法特乃存古之梗槩變隸之規蹤體類

科斗而不直勢同迴鸞而宏逸天假其法非學之功雖

諸家之法悉殊而此書最爲高出後漢儒生皆攻學

長安書宣義

懸針篆者漢章帝郎中扶風曹喜之所

作也用題五經篇目纖抽其勢有若針之懸鋒也故曰

懸針河洛遺誥云懸針之書亦出曹喜小篆爲質巫露

爲紀題署五經印其三史以爲楷則傳芳千祀懸針即

曹君爲祖

大師夢英集

巫露篆者漢章帝郎中扶風曹喜之所

作以書章表奏事謂其點綴如輕露之墜條累墜欲落之象故云墜露漢宣帝嘗重此書

點之

帳內謂言贊喜

之書如金盤瀉珠風簾雜雨入法元妙一字千金

以上下
三載

贈宣義大師歌 朝請大夫侍郎史知雜事馬去非上

伏犧氏作文籍生古文一變考大篆小篆

成李

斯既往

誰得名有唐還有李陽冰陽冰歿後誰復生 大宋有

僧曰夢英吾師吾師能前此好古之人雙眼明

紀贈南岳宣義大師夢英篆書歌 前進士宋白上

衡山神秀瀟湘清精靈潛發奇人生金儻才子稱夢英
玉筋篆書天下名隸外攻雲又攻柳率更行體兼而有
別得張顛草聖才筆頭爍爛龍蛇走八分飛白皆精練
長安粉壁狂題遍功一謨狸骨帖聲價高於鐵門限
皇唐偏說懷素師善草不二副之近代韻僧小歐跡
謹揩齧齦無多奇驚師宿世曾勞三紙骨筆血爲墨
受佛付囑寫微言今生所以書無敵我四奇滿天下
多見名書與名畫雖向煙霄未稱心待取珊瑚五爲筆架
從茲懶愛吳筠碑新歌重贈撲凸奇

贈英公大師 翰林學士尚書司封郎中知制誥賈黃

中

金仙子便是師師高道甯容世網羈浩浩情田龍可擾
飄飄行止鶴應知塵撲擺落超三界古篆沉研冠一時
莫恠伊余苦珍重白蓮香社有心期

□英公大師篆書詩二絕 太華希夷先生陳搏

□□南來別九華少年師号紫袈裟驚天動地懷何藝
古□□高十八家 又 上帝因成鳥跡蹤又於

玉筋別□□如今朴散浮華筆珎重 吾師紹古風

夢英上人 樞密直學士朝請大夫上柱國賜紫金魚

袋趙逢 幾年攻學楚江濱十八家書妙入神莫恠老

夫偏愛惜李陽冰後更無人

贈英公大師

太

常博士李頌

蒙高神品秀爽天骨敏搆機先談深理窟潛極蒼源元
臻繙闡玉無疵瑕車有輓輓達識圓明靈襟洞豁粹稟
飛星峩掛流月大飲陶陶閑遊兀兀肯如常人名利乾

沒

送英公大師歸終南 太子中舍盧岳

擬息遊方興羅龕近翠微幾程勞夜夢一錫向秋歸月
彩籠清磬嵐光潤紫衣重尋溪上路楓葉□巖扉

贈英公大師

著作佐郎許道甯上

業就携筇別五湖
御簾香暖幾曾趨
精搜象外吟情逸
元達禪中惠性殊
江塲秋思霜橘美
雲房高寄海峯孤
白蓮共結他年約
還放踈慵入社無

聞英上人十九簾前賜紫

閑廡副使何承矩

遺聞貢藝趨

丹闕

萬乘稱奇賞少年
玉筋纔書金殿裏

皇恩旋降翠簾前行齊支道喧三楚學富陽水
振九天近見來僧頻有說賜衣猶帶御爐煙

送英公大師歸終南

太常丞呂端

衡岳煙蘿紫閣雲名高
湖外晚遊秦清詞古學儒生業
圓笠方袍釋子身竹杖柱歸山裏
寺篆書留與世間人

我疑簪組成爲縛空仰

吾師去路塵

贈英公大師 圭峯賜紫

永牙上

吾宗何事獨稱雄今昔名高繼古風王右軍書傳智永
李陽冰篆付英公墨研天電煤疑絕硯琢端溪石欲空
珍重真蹟千載後誰來三日看無窮 贈英公大師

文暢大師賜紫元寶上

○愛王家草聖蹟獨於小篆苦留功何人會得

師高意欲把時風變古風 鄉貢進士袁允忠書歌

詩

以上弟
一截

前攝鎮國軍節度巡官安文璡刊

僧勑信

安懷玉

白文贊

共建

小師元序

元秘

元穹

元

之勾當

此三行在弟二截之左

紫塞雲高皇朝路遠每捧報瑤之翰如窺連璧之姿忠
恕自落朝班累承詔命已得林泉之味堅辭名利之場
鶴髮半生爰心久死與師金蘭敦義香火修因飛杯容
許於醉狂結社不媿於心亂共得陽冰筆法同傳史籀

書蹟常痛屋壁遺文汲塚舊簡年代漫遠謬誤滋多賴
與吾師同心正古近覽真翰轉見工夫藏勢遏峯方上
圓下可以方古教人也晉宋而下通篆籀者寡唯碑碣
印記時用數字傳授者未克研精何妨檢討盜聽者耻

於好問加之穿鑿齋中序云小篆散而八分生八分破
而隸書出隸書悖而行書弊行書狂而草書聖自隸已
下吾不欲觀之矣見寄偏旁五百四十一字按說文字

原唯有五百四十部子字合收

□子部今日錄妄有更

改之又集解中誤收去部在注中今點檢偏旁少晶心
至龜弦五字故知林氏虛誕誤於後進者小說見宜焚
之聊以親書達心俟以方刼發願何人知之英公知之
不宣還客郭忠恕書達英公大師座前十二月二十

五日

此四行在碑左
刊石人名之下

黃魯直云李龍眠得金銅戟于市漢物也泥金六字

字家不能讀蟲書妙絕于今諸家未見此一種乃知唐元度僧夢英皆妄作耳然則今所傳十八體出英公杜撰欺世非古實有之也音釋分隸頗有批法碑首載贈詩正書亦勁健皆是英公手耶如此公亦非孟浪者矣

石墨
鑄華

贈詩共十二人馬去非宋白賈黃中陳搏趙逢李頌盧岳許道甯何承矩呂端僧永牙元寶咸平元年刻者惟賈黃中呂端二詩相同此題端爲大常丞當是太祖定國時所贈然則咸平刻云特進太子太保致仕者爲追錄無疑也米芾書史曰夢英諸家篆皆非

古失實一時又從而贈詩使人愧笑

關中金石記

文選載此詩爲江淹擬休上人怨別之作而夢英竟以爲沙門惠休詩何也瑤瑟詎肯開文選作瑤琴詎能閉與此不同至雲陽臺作陽雲臺汲古閣本則文選之誤也題釋分書書輶作輶書冉作冉大謬贈詩之尾署袁允忠書歌詩石墨鐫華何以有皆是英公手之語郭忠恕書爲偏旁字源而作何以附列於此碑句語與偏旁碑小異

李宏等金泉觀詩

高四尺七寸廣四尺一寸十八行行
字不一字徑二寸餘正書在南充

自今季春來遊金泉觀偶成七言四韻詩一首并序其事

余自戊辰歲奉

命乘輶通判州事屬以干戈乍

息寇盜仍多烽煙時起於四郊獄訟常親於五聽公庭

少暇私

譏

無憇泊周星已來庶務稍簡方思命侶同共

盤遊因屆

名山覩茲殊事寶殿崢嶸而若畫眸容嬌嬌

以如生巖岫

嵌空是謝女修真之所松篁蓊鬱有神仙

受籙之蹤芝

散異香泉飄細韻宛若桃源之內深疑閨

堦之中庭覽幽

奇頓消煩鄙因成短引偶賦一章遂命

濡毫鐫之于壁

宣德郎守秘書丞通判果州權知軍州事李宏

昔時謝文昇天處此日遺蹤尚宛然
彈蛻舊衣留石室龍飛靈水湧金泉碑書故事封蒼蘚殿寫真容鑠翠煙
薄暮松嶺聽鶴唳猶疑鸞鳳是神仙

時大宋開寶二年歲次己巳二月十五日記

依韻攀和通判貞外題金泉觀之作

朝散大夫行左補闕西川諸州水陸計度轉運
副使柱國楊克讓

冲虛脫屣世綿綿勝地人來尚凜然不見綵雲迎皓鶴

空留恆石漱清泉侵階蔓草迷香逕偃蓋寒松雜暮煙
靜化信從无妄得堪思漢武亦神仙

李宏詩見明統志石本缺龍字據以補注於旁太
平寰宇記南充縣謝真人祠唐書貞元十年謝真
人名自然於縣界金泉紫極宮白日上昇郡郭是
夕有虹霓雲氣之狀明統志順慶府金泉山在府
城西唐仙女謝自然於此白日飛昇上有石像宋
李宏詩云云此即是也詩云碑書故事封蒼蘚是
祠本有碑今不存矣楊克讓宋史有傳字慶孫同
州馮翊人乾德六年知果州上言願畢襄事特賜

縉錢許葬畢赴任開寶二年就命爲西川轉運副使蜀民懷其善政璽書褒美官至兩浙西南路轉運使兼市舶使此詩刻於開寶二年自署轉運副使則史三年當爲二年之誤不言左補闕者略之耳

石魚題刻一百段

在涪州

申狀題記

下截未全高四尺四寸廣三尺五寸五分
十三行行存十八字至六字不等字徑一寸六分前署銜三行

行字不等並正書

上
缺
檢挾太子賓客兼監察御史武騎尉鄧

呂

黔南左都

押衙銀青祿

大夫檢挾太子賓客兼監

察御史武騎尉

呂

知黔州事銀青光祿大夫檢校工部尚書上柱國謝

昌

據左都押衙謝昌瑜等狀申大江中心石梁

下缺

古記及

水際有所嚮石魚兩枚古記云唐廣德

缺

春二月歲次

甲辰江水退石魚出見下去水四

缺

問古老咸云江水

退石魚見即年豐稔時刺史

缺

州團練使鄭令珪記自

唐廣德甲辰歲至

缺

開寶四年歲次辛未二月辛卯朔

十日丙

缺

餘年今又復見者覽此申報遂請通判

缺

徒

巡檢司徒軍州官吏等因命舟楫

缺

古記實不謬矣於

戲美哉盛事直逢

昭代斯乃呈祥有以表

吾皇之聖化遠

缺

記之兼尋具奏

缺

聞訖時大宋開

缺

朱昂詩

高四尺九寸廣五尺五寸十三行字不一徑三寸許正書

涪州江心有巨石隱于深淵石傍刻二魚古記云

魚出歲必大豐端拱元年十二月十有四日昂自

瞿塘迴遭途于此知郡鄒邛王公□云石魚再出

來歲復稔昂往而觀之果如所說因歌

聖德輒成一章

朝請大夫行尚書庫部員外郎峽路諸州水陸

計度轉運使杜國朱昂上

欲識豐年兆揚鬚勢漸浮只應同在藻無復畏吞釣去
水非居輒爲祥勝躍舟湏知

明聖代涵沫杳難儔

劉忠順等詩

高六尺廣八尺共六十九行
行字不等字徑三寸正書

留題涪州石魚詩一章

轉運使尙書主客郎中劉忠順

七十二鱗波底鑄一銜蓂草一銜蓮出來非共負芳餌
奏去回同報稔年方客遠書徒自得牧人嘉夢合相
先前知上瑞宜頻見

帝念民饑

刺史賢

無逸謹次韻和

轉運郎中留題涪州雙魚之什

尚書毛田貟外郎知梁山軍水邱

無逸

誰將江石作魚錢
奮鬚揚鬚似戲蓮
今報豐登當此日
昔模形狀自何季
雪回呈瑞爭高下
星以分宮較後先

八使經財念康阜

寄詩襄激

守臣賢

聖宋□□元年正月十二日

缺州事鄒霖命工刊石

新授安州雲夢縣令恭士燮書

建元剝泐据塞材望詩引知爲仁宗皇祐也無逸
詩下方空處爲元豐九年鄭顥等題名弟七行下
方有元祐五年題名其右又有王珪直三字

武陶等題名

高四尺廣二尺四寸四行行十一字字徑三寸餘刻作碑式額題遊石魚題名

記六字並正書
四周有花紋

尚書虞曹外郎知郡事王陶熙古涪忠州巡檢殿直侍

其瓘純甫郡從事傅顏希聖嘉祐二年正月八日謹識

劉仲立等題名

高三尺八寸廣二尺四寸四行行九字字徑二寸五六分又刻石人名一

行八字正書四周有花紋

民掾劉仲立正臣憲掾

劉煥仲章涪陵宰

良朝

嘉祐二年仲春同游此言誌

教授徐爽

之監鐫

郡從事馮□等題名

高四尺廣二尺九寸六行行十字字徑三寸五六分正書

郡從事馮王君錫監征王震伯起督郵高槧秉節涪陵

令黃君□□□□傳者□□□□瑾公珍大宋

治平□□月二十□日同觀石魚于此謹誌

徐莊等題名

未全高四尺廣二尺九寸七行行七字字長徑五寸篆書

大宋熙甯元季正月一十日軍事判官徐莊同巡檢供

奉王安民監稅殿直王克岐知樂溫縣鍾浚涪陵縣令

趙君儀司理參軍

缺

韓震等題名

高三尺六寸廣三尺四寸九行行十字
子徑二寸三四分正書四周有花紋

都官郎中韓震靜翁屯田外郎費琦孝琰姪伯升景先

進士鴻造深道盧邁彥通暇日因陪太守駕部員外郎

姜齊顏亞之同觀石魚按舊記太和泊廣德年魚去水

四尺是歲稔熟今又過之其有秋之祥歟熙甯七年正

月二十四日題

黃覺等題名

高二尺二寸廣二尺六寸七行
行七字字徑二寸五分正書

叢州奉節縣令權幕通川黃覺莘老戶掾平原李綏公

敏掌獄鄴都梁鈞佐袞臣熙甯甲寅孟春二十九日泛

輕舟同觀石魚于此

鄭顥等題名

高二尺九寸廣一尺七寸六行
行九字字徑二寸五六分正書

元豐九年歲次丙寅二月七日江水至此魚下五尺權

知涪州胡請大夫鄭顥願叟權判官石諒信道同觀權

通判黔州朝奉郎吳縝廷珍題

兆思題名

高廣不計二行
字徑寸許正書

太原□兆史

元祐五年正月十五日

右刻在劉忠順詩刻下方書刻率劣

楊嘉言等題

高三尺六寸廣三尺二寸入行行
十字十一字字徑二寸許正書

聖宋元祐六年辛

缺

望曰聞江水既下因率

判官錢宗奇子羨涪陵

縣

令史詮默師主簿張微明仲

縣尉蒲昌齡壽朋至是觀唐廣德魚刻并大和題紀朝

奉郎知軍州事楊嘉言令結題

姚廷等題名

高三尺廣二尺六寸七行行
八字字徑二寸五分正書

元祐癸酉正月中澣前一日郡守姚廷率幕賓錢宗奇

涪陵令杜致明主簿張徵縣尉蒲昌齡盜龍令袁天倪

遊覽因記歲月巡檢王恩繼至

黃庭堅題名

高一尺二寸廣一尺一寸三行
行三字字徑二寸五六分行書

元符庚辰涪翁來

孫羲叟等題名

高二尺四寸廣二尺六寸七行行
字不一字徑二寸許正書左行

崇甯元年正月廿四日同雲安符直夫臨江宇

深之

來觀

故相朱公留題表

久之四世孫仲隱

孫羲叟敬書

致君致侍行

揚元永等題名

高三尺六寸廣三尺四寸十四行行十三字字徑二寸許正書

之西津江

缺八字

自唐以前至本

缺七字

地大宋崇甯元

年缺六

考驗

缺六

刻悉符人

缺六

泛舟

米觀至者

十一人知

揚元永剛中

奉議郎河

缺四

琳從事江

陵孫義叟敦

缺三

太原王心卿良弼涪陵令雲安符正

中直夫錄參穎川蔡忱

節信樂溫令會稽賀致中慎叢

理掾祥符楊緯文林民掾京地田子

良漢傑涪陵簿翼

陽張延牟帝逸尉趙郡字文湛深之

是月中辭後一日

致中□ 命書

龐恭孫等題名

高三尺五寸五分廣一尺九寸八

行行十六十七字字徑二寸正書

大宋大觀元年正月壬辰水去魚下七尺是歲夏秋果

大稔如廣德大和所紀云二年正月壬戌朝奉大夫知

涪州軍州事龐恭孫記

左班殿直兵馬監押王正卿將仕郎州學教授李賁
通仕郎錄事叅軍杜咸甯通仕郎涪陵縣令權簽判
張永年將仕郎司理叅軍黃希說將仕郎涪陵縣主
簿向脩將仕郎涪陵縣尉胡施進士韓翹書

左方見正月中澣四字

王蕃詩

高三尺四寸廣三尺六寸共十行
行字不一字徑三寸五六分正書

蕃解

□□□道出涪

陵

司馬机才穀爲

□陵昔郵

實攝

郡

事政和壬辰正旦之明日拉觀石魚且率賦

詩遂爲一篇

沂國王蕃

冬旱江成渚維奠記石稜濺濡春遂

後失拓

蒲蒙亨等題名

高二尺八寸廣一尺七寸四行
行七字字徑二寸五分正書

聞中蒲蒙亨彥開通川牟天成聖俞

同觀石魚政和王

辰孟春二十三日

此磨舊刻爲之行間尙存張侍行元正月記七字

蒲蒙亨等再題

高二尺三寸廣一尺三寸四
行行八字字徑二寸正書

政和二年正月二十三日司理蒲蒙亨率涪陵令周禧

尉牟天成同觀石奠

吳革等題名

高三尺五寸廣三寸一寸十一
行行十三字字徑二寸許正書

易以包無魚爲遠民民固可近不可遠余牧是邦久矣

今歲魚石呈祥得以見豐年而知民之不遠也即塵顯
妙有開之先余樂斯二者遂率賓僚共爲之遊時宣和
四年十二月十五日朝散大夫通判軍州事常彥奉議
郎前通判達州權司錄事李全修武郎兵馬都監曹綰
宣教郎權司士曹事王拱迪功郎涪陵縣尉張時行朝
奉郎權知軍州事吳革題

毋邱兼孺等題名

高三尺五寸廣一尺二寸三行行十三十四字字徑一寸七八分正

書

閬中毋邱兼孺南榮句惇夫眉山劉大全孫伯達宣和
乙巳正月八日同來毋邱光宗孫若訥若拙侍行

陳似等題名

高三尺九寸廣四尺二寸九行行
八九字字徑三寸餘正書左行

炎已酉正月二十一日憲屬陳似

襲卿還恭攝郡事

王拱應辰送別江臯僚友不期而會

周祉受卿劉純

常大全孫之才伯達林琪子羨同觀石魚薄暮而歸時

魚去水六尺襲卿書

銅鋟徐朝卿太原

史時傑等題名

高三尺廣一尺六寸四行行
五六字字徑三寸餘行書

史時傑周受卿劉公亨孫伯達

子羨建炎缺口日

右刻在馮君錫之右

文悅等題名

高三尺三寸廣二尺五行行凡
九字字徑三寸許正書左行

成都文悅理之周祉受

卿唐安周南廷向文登劉蒙公

亨眉山劉純常大全姪庚明儒孫之才伯達

趙子適等題名

高四尺廣三尺四寸八行行八字字徑二寸五六分正書篆額題觀石魚

題記五字

趙子適述道崔煒叔明閻環國華李去病仲霍李宗賢
師德陳革子正王似德初虞中立和甫王駿德先鄧竒
穎伯董天成常道紹興王子正月三日同游

何夢與等題名

高一尺二寸廣一尺三行行七字字徑二寸正書左行

金沙何夢與泉山王惠升紹興王子正月四日偕來

王擇仁等題名

高四尺廣三尺四寸十行行二字字徑二寸四五分正書

紹興壬子開歲十有四日涪陵郡守平陽王擇仁智甫

招雲臺奉祠夷門李敏能成之郡丞開封李賓元輔太
平散吏東萊蔡元道過飲公堂酒罷再集江泛舟
中流登石梁觀瑞魚古邦人以見魚爲有年之兆惟
善政民已懷之桑麥之歌載道是以隱於數
季而見故悼喜爲之記

見字磨去改刻

劉意等題名

高二尺八寸廣一尺六寸八行行十二字字徑一寸六七分行書

劉意彥至豹林种思皆以職事趨郡遇故人江西李尚義宜仲還自固陵种法平牘來自東賓相
率擎舟載酒遊北巖及觀石魚竟日忘歸客懷頓釋殊

不知薄宦飄零江山之牢落也紹興壬子季春初六日

慎思題

李宜仲等題名

高一尺七寸廣一尺一寸三行
行四字字徑二寸五分許正書

李宜仲率劉彥至同種慎思遊

張宗憲題名

高一尺九寸廣存一尺四寸存
三行行六七字字徑四寸正書

宋紹興二年十二月初八汝南張宗憲李

後缺

左上方有篆書侍行二字半泐

賈公哲等題名

高三尺二寸廣三尺六行
行六七字字徑四寸正書

大宋紹興二年十二月望日賈公哲曲安祖李去病田

孝孫杜伯恭蔡興宗張稷張宗憲觀石魚

蔡興宗等題名

高二尺七寸廣二尺四行
行六字字徑三寸許正書

蔡興宗耿宗彌

張宗憲紹興乙卯正月十九日同觀石

魚

宋艾等題名

高三尺六寸廣二尺四行行
六七字字徑三寸餘正書

宋艾邢純劉蓮李

王冠朝有宋

紹興丙辰正月五日

來

賈思誠等題名

高二尺八寸廣三尺四寸十四
行行十字字徑二寸許正書

涪陵郡城下大江之中流有石魚焉見則爲豐年之兆

父老相傳舊矣事雖不經偶茲旱歉斯民艱食天或垂
憫睨以有年千里之願幸也爰因休暇乃率別乘賈公

傑于之田景慈希賈趙子穀景溫張振孫原之王慶子
欽來觀而石魚出水面數尺傳言之驗將與斯民共慶
之是可書也紹興丁巳十二月中休日无朝散郎知軍

州事澶淵賈思誠彥孚題

賈思誠等再題

高一尺四寸五分廣三尺五寸十行行四五字字徑二寸餘正書

賈思誠彥孚賈公傑于之趙子穀景溫張仲通彥中張
振孫厚之潘無隅大方段洵直邦彥紹興丁巳季冬十

有二日同觀石魚

己未題記

高二尺四寸廣二尺二寸八行
行七八八字字徑二寸許正書

歲□戊午雙魚出淵□自古昔實維豐年

紹興八年正月

月初□日郊人言之是歲果大稔明年再到後晉時十
有三日水已肥美已未正月十□日書

孫仁宅等題名

高六尺九寸廣四尺八行行十四字徑三寸四五分正書

涪陵江心石上昔人刻魚四尾旁有唐識云水涸至其
下歲則大稔隱見不常蓋有官此至終更而不得覩者

紹興庚申首春乙未忽報其出聞之欣然庶幾有年矣

邀倅林琪來觀從遊者八人張仲通高邦儀晁公武姚

邦孚仁宅之子允壽公武之弟公退公達邦儀之子甯

祖郡守孫仁宅題

諸刻並言二魚此獨稱四尾何也

張仲通等題名

高一尺八寸廣一尺二寸四行
行六字字徑一寸八分正書

張仲通陳靖忠馮忠恕同

石魚紹興庚申正月丙申

晁公武等題名

高二尺五寸廣一尺九寸五分
五行行九字字徑三寸許正書

晁公武邀外兄高邦儀

外弟孫允壽弟公榮公退公適

姪子貞表姪高甯祖甥王掖全觀石魚紹興庚申正月

二十日

潘居實等題名

高三尺五寸廣一尺二寸四行
行十二十三字字徑二寸正書

潘居實去華素顏睇

王良子善金湯德源路謙子益

高永子修錢之諒益友共遊觀石魚紹興庚申正月念

三日也

張彥中等題名

高三尺四寸廣八寸五分三行行
十字字徑二寸許小字二行正書

濟南張彥中高都王紹祖紹興庚申仲春十有二日來

觀石魚

彥中之子
傑億侍行

周詡等題名

高三尺九寸五分廣二尺四寸五
行行七字字長徑四寸五分篆書

周詡稚彥培彥瑞

姚邦榮邦孚李薦杜旼發李怙紹興

庚戌歲式月丙午來棗覺書

邦旁作手歲中少作止筭上作支皆篆體之謬者

李景厚等題名

高二尺廣二尺八寸七分行
字不一字徑三寸餘正書

古汴李景厚

鄧襄

趙子澄

趙公曠

右四人紹興十三除前二日俱來魚在水尚一尺

杜肇等題名

高三尺一寸廣二尺三寸五行
行七字字徑三寸六七分正書

杜肇任師宏張文遇張携龐价孺杜建鄧襄紹興甲子正月四日俱來杜肇之子彥攸侍行

張瑤等題名

高二尺八寸廣二尺五行
行八字字徑二寸正書

唐安張瑤上邦崔慶固陵冉彬陽翟蔡适

右四人同觀瑞魚實紹興甲子六日以識其來也故

書

李景厚等再題

高二尺二寸廣二尺五行行
五字字徑四寸許正書左行

紹興甲子春正月晦魚全出李景厚鄧襄趙子澄載來冉彬與焉

晁公遡題記

高二尺九寸廣四尺四寸廿行
行十二字字徑一寸五分正書

江發岷山東流入于巴其下多巨石霜降潦收則石皆森然在水上昔涪之人有即其趾刻二魚或放其時蓋唐云其後始志其出曰其占有年前予之至嘗一出已而歲不宜於稼及余至又出因與荊南張度伯受古沐趙子澄處度公牒景初李景厚紹祖楊侃和甫西蜀張

瑤廷鎮任大受虛中往觀既歸未踰月而旱予竊怪其不與傳者協豈昔之所爲刻者自爲其水之候而無與於斯耶抑其出適丁民之有季而夸者附之以自神耶將天以豐凶警于下而象魚漏之則懼其不必于政而必于象魚故爲是不可測者耶於是歸三十有六日乃書此以告後之游者是歲紹興十五季正月廿八日也嵩山晁公遡子西

揚謗等題名

高二尺七寸廣一尺二寸五行行字不一字徑一寸五六分正書

紹興乙丑仲春上休日石魚出水四尺按古記大有年矣使院□□揚謗杜燒孟宗厚王注康□朱繼臣幸永

張猷張□文安□馬顏何玠□□同觀□□繼至

杜與可等題名

高二尺五寸廣二尺四寸十行
行八字字徑一寸五六分正書

戊辰春五馬以雙魚出水率郡寮同觀邦人杜與可楊

彥廣蒲德載董夢臣繼至因思王仲淹時和歲豐通受

其賜之語固知燮理陰陽秉鈞官軸者優爲之矣乃刻

石以紀歲月焉紹興十有八年中春望日

鄧子華等題名

高一尺四寸廣三尺二寸七行
行三字字徑三寸餘正書左行

鄧子華种平叔趙子經紹興戊辰中春十

缺不缺

吳克舒題名

高四尺廣一尺二行行十一字字徑三寸正書

汴陽吳克舒以紹興癸酉書雲日挈家來游柳侍行

高祁等題名

高一尺六寸廣一尺二寸四行
行九字十字字徑二寸許正書

郡幕高祁子敏令張維持國簿譚詢永叔尉蒲

同來宋紹興乙亥

五口

張

綰處權題

□□之

以後刻證之此爲正月五日所題下方有乙丑辛

日周品級文玉章遊此十二字橫列似非宋刻附

識之

張維題名

高二尺廣一尺二寸四行
行八字字徑二寸餘正書

宋紹興乙亥人日前涪陵令張維持國挈家觀石魚弟

綰處權誼題

張維等再題

高一尺四寸廣一尺七寸七行
行七字字徑一寸五分正書

前涪陵令張維同弟綰拉郡人孟彥凱高永許萬鐘重游石魚共喜豐年之兆是日綰搦毫題石以記歲時紹興乙亥戊寅丙辰

盛景獻題記

高四尺七寸廣五尺六寸八行八字字徑六寸許正書

襄陽盛景獻紹興歲乙亥正月七日率河內游正父游希尹雷澤孟虞卿泊舟江南折梅賦詩復開帆至石瓮下步磐石席坐縱飲既醉日且暮遡江而歸

黃仲武等題名

高二尺六寸廣一尺五寸五行九字十字字徑二寸正書

濮國黃仲武梁公壽春明宋子應小艇同來是日積雨

初晴江天一碧徘徊終日而歸時紹興丁丑元宵後五

日

賈振文等題名

高二尺六寸廣一尺二寸五分四行行十字字徑一寸六七分正書

乾道三年人日賈振文率

鄧和叔李從周孫養正庾端

卿張智卿來觀姪德象

甥向仲卿侍行

趙彥球等題名

高四尺七寸廣二尺六寸九行行十八字字徑一寸五分正書

石魚不出十有八年矣乾道丁亥

玉牒趙彥球攝守是邦魚復出是歲元日大晴人日亦如之率僚屬遊北巖越三日遂觀

石魚

水痕尤瘦古刻

宛然涪人曰一旬而三羨具此天有年之兆而

賢太守德化之所感也在屬吏安敢不書從遊者五人
合陽王如慈古渝何蕭眉山宋中和玉牒趙伯缺下空

御前□缺六朔王浩

王宏甫題名高一尺四寸廣一尺五行行
六字字徑一寸五分正書

乾道丁缺三二日合陽王宏甫來觀石魚孫男桂老侍行并書

盧棠等題名

高二尺廣三尺十行行六
字字徑二寸五分正書

乾道辛卯元日攝涪陵古汴盧棠拉學官忠南譚深之
錄參溫陵曾稷酒正汲陽高昱邑尉漢嘉鄧椿讀唐鄭
使君石刻驗廣德水齊預爲有年喜

劉師文等題名

高二尺三寸廣二尺十行
行十二字字徑寸餘正書

涪陵江心石梁刻二魚古今相傳水大落魚出見則時
和歲豐自唐廣德間刺史鄭令珪已載二事而魚之鐫
刻莫詳何代蓋取詩人眾維魚美寔維豐年之義涪熙
五年正月三日劉師文相約同勾卿賈清卿來觀時
水落魚下三尺邦人舟楫往來賞玩不絕因書以識
昇平瑞慶云向仲卿題

馮和叔等題名

高三尺廣二尺八寸八分行
八字字徑二寸五分分書

湧熙戊戌人日郡守劖浦馮和叔季成郡丞開封李拱
德輔率前忠守河內向本介邦輔涪陵令正信胥挺紹
輔率

祖郡幕東平劉甲師文來觀石魚臥慶有年之兆

朱永裔等題名高四尺廣二尺五寸入行行十四字字徑二寸許正書

詩人以夢魚爲豐年之祥非比非興蓋物理有感通者

涪郡石魚出而有年驗若符契比歲頻見年亦婁豐今

春出水幾四尺乃以人日躬率全寮教官相臺李衍郡

幕七閩會稷秋官武信胥挺武龍簿東平劉甲來觀知

今歲之復稔也因識其喜云是歲淳熙己亥假守閬中

朱永裔書

夏敏彥等題名

高二尺八寸廣四尺六寸七行行五字字徑三寸餘正書

郡守眉山夏敏彥博文學掾荊州董天常可久入日

民因觀石魚度豐年之祥淳熙甲辰

後疑失拓

賈渙題記

高二尺五寸廣一尺四寸五分五行行十一至十三字字徑一寸五六分行書

淳淵賈渙全姪衍之微之男翼之姪婿郭知口昏聚寺

來觀石魚尋先人州判苗題遺迹雖未目覩手筆或可

意窺以江痕尙長故也時戊辰開禧元宵前

曹士中題名

高一尺廣二寸二行行五字
字徑一寸五分許正書左行

嘉定庚辰江東曹士中觀

是刻在涪翁題名之右張維再題之左

李公玉等題名

高三尺五寸廣二尺三寸七
行行九字字徑二寸許分書

寶慶丙戌穀日涪陵石魚因水面六尺郡太守唐安李

公玉喜其缺

二

季之兜挈男澤

三

覺民載酒來

缺四

狀詠眉山

字缺五

白子才張

缺

李公玉等再題

方二尺九寸前列四字字徑七寸許後七行行十一字字徑寸餘並正書

瑞鱗古跡

郡守李公玉新潼川守秦李標宏父郡糾曹掾何昌宗李文季標之子九韶道古之子澤民志可同來遊石魚閣八年不出今方瞭然大爲豐年之祥此不可不

書寶慶二年正月十二日

丙戌殘題

存一行六字字
徑三寸餘分書

寶慶丙戌水落

後有元天祐年題記五行宋刻蓋爲所磨矣

謝興甫等題名

高二尺五寸廣二尺二寸五
行行八字字徑二寸餘正書

長沙謝興甫起

缺

資中楊坤之夷

缺

□人虞會和叔紹

定 □寅上元後一日來觀石魚子錢侍

左方別有題刻僅見雙龍鱗甲奇變化待何時圉

十一字疑亦宋人所題

紹定殘刻

高二尺廣二尺六寸五行行存三
字至五字不等字徑四寸許正書

缺 鎬星江

缺

□潼川馬驥

缺

錢釋之浚儀

缺

潮彥診紹

定

缺

正月五日全觀

張舜等題名

高四尺三寸廣三尺二寸十一行
行十八字字徑二寸五分正書

石魚報稔之瑞曠歲罕見治祐癸卯冬水落而魚復出
既又三白呈祥年豐可占邵太守山西張霽明父率同
察來觀通判開封李拱辰居中教授古通王獵鈞卿判
官古黔鄧季寅東叔錄長沙趙萬春伯壽司理鳳集
孫澤潤之司戶趙與祿仲器監酒潼川李震發子
華安應午子酉監稅資中張應有嗣行涪陵縣令
武信趙廣僖公叔主簿合陽李因夏卿尉合陽馮申龍
季英忠州南賓簿尉開漢王季和和公節幹成都周儀
可義父節屬益昌張申之西卿郡齋奉節王建極中可
與焉時嘉平既望謹識

王季和等題名

高二尺廣三寸二分正書
八字字徑二寸五分正書

山西張侯來鎮是邦

癸卯甲辰魚出者再邦人皆謂前

所罕見屢書呂識其異忠南郡幕開漢王季和偕所親

張文龍郡齋益昌張申之奉節王建極侍

太守來觀臘月念肆

日也

鄧剛等題名

高一尺九寸廣一尺六寸四行
行十二字字徑二寸五分正書

大宋淳祐戊申正月石魚呈祥郡守廬陵鄧剛季中率

通判江陽何行可元達同觀望

日謹誌

趙汝廩詩

高二尺六寸廣二尺八寸八行二行行十
二字五行行十字字徑二寸五分正書

書

湧祐庚戌正月八日郡守開封趙汝鳳觀石魚賦五
十六言

預喜金穰驗石鱗□能免俗且怡神晚行鯨背占前

夢

□紀龜陵知幾春拂石已無題字廸觀魚皆是願豐人
片雲不爲催詩□欲雨知予志在民

劉濟川等題名

高三尺廣二尺四行行
七字字徑三寸正書

湧祐辛亥三月既望左縣劉濟川三山林元成都杜庭
燮三遞何續來遊

宋子詩

高四尺四寸廣二尺四寸四行
七八字字徑四寸餘正書

眇愁方寸 神明舍天下 經綸具此中 每向杜潤觀不足
已如有卒出無窮晦翁

劉叔子詩

高四尺二寸廣四尺五寸十七行行十五字字徑二寸許正書

鑑湖之石魚唐人所刻也圖經謂三五年或十年方一

出出則歲稔大率與渝

江晉義熙碑相倡

聖宋寶祐

貳季歲次甲寅蜡月立舊後一日郡假守長甯劉叔子

君舉偕別駕燧材望君厚送客江上過石魚浦尋訪舊

跡則雙魚已見實豐年之兆因披沙闢古碣得轉運

使尚書主客郎中劉公忠順所題一詩叔子感慨頽波

之滔滔激節石魚之砥柱而轉運公之佳句與之相爲

蕪窮敬嗣韻以識盛事尙庶幾小雅歌牧人之夢之意
云尔

螭尾洋洋石上鐫或依于藻或依蓮夢占周室中興日
刻自唐人多歷季隱見有時非強致豐凶當歲必開先
太平誰謂真無象罩罩還歌樂殷賢

三年薦王正月乙巳龠男貢士從龍書

塞材望詩高二尺二寸廣三尺六寸十三行行十字字徑二寸許正書

治目石魚之出占歲事之豐呂歲事之豐彰太守之賢
尙矣長甯劉公叔子鎮是邦又出夫豈偶然別駕潼川
塞材望賡皇祐劉轉運詩曰紀之

宋寶祐貳年嘉平下辨書

何代潛鱗翠珍鏤雙雙依藻更依蓮夢符端報屢豐兆

物盛

魚麗美萬物盛多

宜歌大有年玉燭調和從可卜金刀題

詠文開先潭如撥刺

拔心躍感召還知太守贊粵明年

人日重遊

江應晚詩

高二尺八寸廣一尺八寸五行行七字字徑二寸餘正書

扁舟江上覓神鐫
結社何須訪白蓮
水底影浮剛一尺
畝中兆協已千年
沉碑秘識杜元凱
博物誰同張茂先
別駕重來賡轉運
風流太守是前賢
新安江應晚

楊名時詩

高二尺廣二尺七寸九行七字字徑寸餘正書

江有魚芳石上鐫浪生鱗甲擁爲蓮鑑湖不遊驚魚笛
白鶴將鳴和有年在藻興歌時已遠臨淵難羨釣淮先
風流刺史懸魚節化作遊鱗頌令賢 淳庠士楊名時

和

金國祥詩

高三尺六寸廣三尺五寸九行
行七字字徑二寸五分正書

江石之魚何代鐫江頭之石擁青蓮呈奇偏遇上元節
題句因書湧祐年來去豈爲蓑笠引浮沈不作鼈鼉先
今人漫續古人誄他日遺傳此日賢 新安金國祥

徐上昇等詩

高二尺廣二尺七寸九行行
七字字徑一寸五分正書

約賦石魚江上鐫伊人佳句比青蓮留形逮垂建炎代

多誌由攷湧祐年潛見何心閔運會人材有意贊今先
吳依可念愁飭尾題石故願刺史賢

涪庠庠士徐上韻和同兄上韻

右三詩皆用劉轉運韻而金徐二作皆稱湧祐徐
詩又稱建炎所未詳也姑附於此

何震午等題名

高二尺五寸廣三尺九行行九字十字字徑二寸許行楷書

寶祐戊午正月戊寅軍事判官昌元何震午季明知樂
溫縣燕國趙與瑤思復糾曹宕渠袁逢龍清甫理豫古
渝杜夢午南卿文安王垓子經汴陽向大源清夫觀石
魚之兆豐拂涪翁之遺跡亦一時勝遊也濡筆以書

甲子題記

高三尺六寸廣三尺五寸十四行行八至十五字不等字徑二寸正書

涪江之心有石魚春初魚見可卜豐稔州之八景云石

魚兆豐者即其所也甲子春正月忠州守朱世兄自巴

渝返舟過此其尊人與余詣屬師弟而其叔朱羽公諱

麟禎者初官于涪士民德之亦嘗來此余因携觴偕往

以續舊遊見石魚復出則是年之稔可知因舉觴相慶

曰國之重在民民之重在食而食之足又在樂歲之

有餘則吾儕之此一遊也非但以遊觀爲樂直樂民之

樂也云爾於是乎記

李可久等題名

方一尺六寸五行行五六字字徑二寸許行書左行

李可久偕弟光錫光福蔣伯禹古廷輔來觀戊戌中春

七日廷輔之子鑑侍

趙時僕題名

高一尺六寸廣一尺八寸六行
行五六字字徑二寸餘正書

玉牒時僕丞郡于茲石魚兩載皆見之王戊仲春鑑屬

同妹夫王倬遊男若金侍

集韻嫁渠尤切匹也此疑用妹字

雷轂題記

高二尺六寸廣二尺十行行十三
至十七字字徑一寸四分正書

予知是州視篆勅有告曰江心有石魚枰斗出則年豐
是歲甲申水涸率寮屬以遙觀得覩者魚而已枰斗猶
漬之水時果稔輸用足乙酉仲春二日同僚友徵仕郎

陳子仲致中後仕郎荀仕誠復覽魚去水五尺枰斗不見如昨時 朝使江右晏孟瑄洎州學正古郡歐陽士麟訓導西陵易異義陵張致和古邵成禮同遊生員萬琳等侍奉訓大夫涪陵守古邕雷轂運通誌

盛芹等題名高二尺三寸廣二尺二寸五行行六字字徑三寸許正書

盛芹卒張造游蒙張遜同來子貞德公孝胄興忠侍歲丙子上元後二日

盛芹疑即盛景獻芹其名景獻其字也張适疑即張景南取義於南宮氏游蒙疑即游正父蒙以養正名字相協丙子疑爲紹興廿六年姑附宋末

祿幾復等題名

高三尺廣一尺七寸六行行七至九字字徑四寸許正書

判官祿幾復官兵

王世昌趙善暇知錄郝烜縣令楊灼

司理孫震之司戶李國緯主簿何時縣尉鄧林歲戊辰

上元同來

何憲等詩

高五尺四寸廣四尺七寸十八行行字不一字徑二寸許正書

□□□□出水三尺

缺通

□□□□觀因成拙

詩一章繕寫拜

呈伏

笑覽

知涪州軍州事何憲

何年天匠巧磨礱巨尾橫梁了莫窮不是江魚時隱見

要知田稼歲凶豐四靈効瑞非臣力一水安行屬

帝功職課農桑表勤惰信傳三十六鱗中

歲將大稔震魚出見邦人縱觀以慰維魚之占也戊

辰正月二十有八日魚出水數尺

知府學士置酒瑞麟閣邀賓佐以樂之又蒙出示

佳篇以紀其實辛雖非才輒繼

嚴韻斐然成章但深慙恧伏幸

采覽 權通判軍州盛 辛

巨浸浮空無路通震鱗紀瑞杳難窮昔人刻石留山趾

今日呈祥表歲豐衆喜有年歌

善政獨慙無補助

成功湏知顯晦將千載徃哲標名歲大中

唐宣宗年号也

縣令王善謹刻判官龐任書

高應乾詩

高一尺七寸廣二尺八行行
七字字徑一寸七分正書

訪勝及春遊獲魚古石留能觀時顯晦不逐浪沉浮守
介難投餌呈祥類躍舟胥歸霖雨望千載砥中流

陵高應乾倡叔氏題

楊太守詩

高二尺八寸廣二尺四寸七行
行十字字徑一寸六七分正書

太守楊公留題

邀客西津上觀魚出水初長江多巨石此地近仙居所

記皆名筆爲祥舊書豐年知有驗遺秉利將舒戲草

春波靜雙鱗樂意徐不才叨郡寄燕喜愧蕭踐

姚昌遇等題名

高四尺四寸廣二尺六寸三行
行字不一字徑五寸餘正書

吳興姚昌遇

彭城錢好問偕侍親觀故跡

下方有明成化年題刻四行

李襲題名

高四尺一寸廣一尺三寸二行行七字字
長徑五寸四分又小字二行行十二字字

長徑一寸四分並小篆

李襲觀石魚題名涪陵尉鄭階平書

二石魚在江心石梁上古記云出水四尺歲必大稔

袁能刻

傅端卿題名

高廣不計一行六字字徑五寸
許正書在張宗憲題名之右

遂甯傅端卿遊

董時彥題名

高廣不計一行六字字徑二寸
許正書在楊太守詩刻之右

□□董時彥遊

王漢老題名

高廣不計一行九字字徑二寸
許正書在申狀題記之右

無諍居士王漢老來觀

駢體殘刻

高二尺三寸廣一尺六寸四行
行八字字徑二寸五分行書

潮清流而激甲砥洪波以安濶旋因止水住爲依山泊

卜豐年之兆待作化龍之觀

己卯冬乞假旋里道經鄂垣姚彥侍以此見贈亟
錄之桉魚長三尺銜尾而進第二魚上方行末有
見南記三正書字徑三寸許疑是唐刻所遺明統
志江心石魚在鑑湖上流江心有石刻雙魚皆三
十六鱗一銜萱草一銜蓮花有石秤石斗在旁魚
現則年豐題記悉與之合題刻諸人晦翁涪翁而
外姓名全者三百四人惟朱昂吳革劉甲史有專
傳龐恭孫附其祖籍傳而已文苑傳朱昂字舉之
太平興國二年知郢州加殿中侍御史爲峽路轉
運副使就改庫部員外郎遷轉運使端拱二年以

本官直秘閣賜金紫此詩作於元年十二月己將
去蜀史不載柱國者略之龐恭孫字德孺宰相籍
孫單州武成人史稱崇甯中知涪州此題在大觀
二年尙未去任也忠義傳吳革字義夫華州華陽
人史所載皆南渡時事此題在宣和四年蓋即其
人史不詳其所歷官位闕也劉甲字師文其先永
靜軍東光人後家龍游淳熙二年進士累官至度
支郎中此題尙在其前史家略之至史傳之劉恕
子渙字凝之爲潁上令王素子震字子發在紹聖
年間王拱爲建康府前軍統制劉蒙附張問傳字

子明渤海人周南字南仲平江人紹熙元年進士
張遜博州高唐人在太宗朝均非即此題名之人
矣宋宗室世系表武節郎子蟻令肅子秦王裔忠
翊郎子澄令答子與瑥希樅子俱燕王裔武翼郎
公暎宜之子廣陵郡王裔汝廩善棄子商王裔明
統志趙汝廩知涪州勸農興學民爲立生祠於學
宮以配鄭黃尹譙四賢亦賢牧也表有訓武郎子
遜令高子又有忠訓郎子遜令龍子俱燕王之後
有兩與祔一爲希稟子一爲希濬子亦皆燕王之
後有四彥球一爲高密郡王之後公回子一爲廣

陵郡王之後公立子其二皆廣平郡王之後一爲
公亮子一爲公尤子此題名者未知孰是王冠朝
即書伊川祠記者

八瓊室金石補正卷八十三終